



بِسْمِ اللَّهِ الرَّحْمَنِ الرَّحِيمِ

Na sjednici Skupštine Islamske zajednice Bošnjaka Göteborg održane dana 22.02.2014 godine usvojen je:

STATUT

ISLAMSKJE ZAJEDNICA BOŠNJAKA GÖTEBORG

OPĆE ODREDBE

Član 1.

Ime zajednice je Islamska zajednica Bošnjaka (u daljem tekstu Zajednica) sa sjedištem u Göteborgu, a koja je sastavni dio Islamske zajednice Bošnjaka u Švedskoj.

Član 2.

Rad i djelovanje Zajednice je zasnovan prema propisima Kur'ana i Sunneta.

Član 3.

Zajednica je dio Islamske zajednice Bošnjaka u Švedskoj i saraduje sa drugim sličnim organizacijama u Švedskoj i van nje.

Član 4.

Zajednica radi na očuvanju i razvijanju islamskih vrijednosti, moralne i kulturne vrijednosti Bošnjaka, te ih podstiče na humanitarne i dobrotvorne akcije. Zajednica kroz svoje aktivnosti radi na pospješivanju integracije njenih članova u švedsko društvo.

Član 5.

Zajednica se finansira iz: članarine, dobrovoljnih priloga, državne i komunalne pomoći, pomoći od drugih organizacija i prihoda od vjerskih i drugih aktivnosti. Uplate i isplate se vrše preko Plusgiro računa.

Zajednica može uzimati kreditne pozajmice samo ako o tome odluci skupština Zajednice svojom posebnom dvotrecinskom odlukom.

Dzematska finansijska sredstva se ne mogu posudjivati.

Zajednica može imati više računa i kod različitih banaka. Svi računi su pod nadzorom Blagajnika. Potpisnici Zajednice su: predsjednik, sekretar i blagajnik, pojedinačno.

Primopredaja dokumentacije i ključeva Zajednice izvršava se najkasnije sedam dana nakon skupštine izbornog karaktera.



ČLANSTVO

Član 6.

Članovi džemata mogu biti svi građani koji prihvataju ovaj Statut i koji izvršavaju svoje obaveze prema Zajednici.

Član 7.

Prava članova su:

- da učestvuju u radu Zajednice,
- da biraju i budu birani u organe Zajednice,
- da budu informisani o aktivnostima Zajednice,
- da daju prijedloge o aktivnostima i radu Zajednice.

Član 8.

Obaveze članova su:

- da se bore za ostvarenje ciljeva Zajednice,
- da brinu o ugledu Zajednice,
- da plaćaju članarinu.

Član 9.

Članstvo u Zajednici prestaje:

- dobrovoljnim istupanjem,
- smrću.
- djelovanjem koje je u suprotnosti sa Statutom,

Odluku o prestanku članstva u džematu donosi Izvršni odbor Zajednice sa najmanje 2/3 većinom.

ORGANI ZAJEDNICE

Član 10.

Organi Zajednice su:

- Skupština /sabor
- Izvršni odbor
- Reviziona komisija
- Izborna komisija
- Komisija za inventuru

U Organe Zajednice mogu se birati punoljetni članovi Zajednice.



SKUPŠTINA ZAJEDNICE

Član 11.

Najviši organ Zajednice je skupština. Skupštini imaju pravo prisustvovati svi članovi Zajednice. U slučaju odsustva većine članova skupština se odgađa za 1 sat a poslije zasjedanje počinje bez obzira na broj prisutnih. Skupština zasjeda u skladu s Statutom Zajednice. Skupština prihvata, dopunjuje ili mijenja Statut, pregleda, prihvata ili ne prihvata aktivnost Izvršnog odbora u periodu između zasjedanja skupštine i odobrava budžet Zajednice. Skupština usvaja prijedlog pravilnika o radu organa Zajednice. Skupština bira predsjednika i članove Izvršnog odbora Zajednice. Odluke se donose nadpolovičnom većinom prisutnih.

Skupština se održava svake godine u februaru prije odražavanja Savezne Skupštine, a po potrebi se može održati više vanrednih zasjedanja skupštine ako Izvršni odbor odluči ili 1/3 članstva to zatraži. Skupština Zajednice je javna i pravo glasa imaju svi punoljetni članovi koji placaju članarinu prema Pravilniku o jedinstvenoj članarini i uslugama, IZB u Svedskoj.

IZVRŠNI ODBOR

Član 12.

Izvršni odbor čine devet članova i dva zamjenika, i to: predsjednik, zamjenik predsjednika, sekretar, blagajnik, službujući imam Zajednice, predstavnik omladinske organizacije i 3 člana. Službujući imam Zajednice i predstavnik omladinske organizacije su članovi Izvršnog odbora po službenoj dužnosti.

U slučaju da neki član prestane sa radom u Izvršnom odboru popunjava se upražnjeno mjesto rezervnim članom. Osobe kojima je Zajednica poslodavac ne mogu se birati na funkcije u Izvršnom odboru, kao i osobe koje bi obavljajući istovremeno druge funkcije mogli biti u suprotnosti sa interesima džemata.

Izvršni odbor:

- priprema prijedloge aktiviteta Zajednice,
- priprema i predlaže pravilnike o radu organa Zajednice,
- odlučuje o raznim pitanjima između zasjedanja Skupštine Zajednice,
- sprovodi odluke Skupštine
- određuje po potrebi komisije za posebne aktivnosti i nadgleda rad istih.

Izvršni odbor se sastaje jednom u mjesecu. Odluke se mogu donositi ukoliko je prisutno 2/3 članova odbora a odluke su punovažne ako su izglasane natpolovičnom većinom glasova prisutnih.

Mandat članova odbora je dvije (2) godine.

Nakon jednogodišnjeg rada Odbora Skupština na svojoj sjednici razmatra rad Odbora i donosi odluku o ukazivanju povjerenja.

Anex clana 12

Izvršni odbor se privremeno, do izborne skupštine 2015, proširuje sa tri nova člana. Predsjednik IO ima pravo odlučivanja u slučaju nerješene ishoda glasanja.



REVIZIONA KOMISIJA

Član 13.

Revizionu komisiju bira Skupština a sastoji se od 3 člana. To su predsjednik komisije i 2 člana. Mandat revizione komisije je dvije (2) godine.

IZBORNA KOMISIJA

Član 14.

Izbornu komisiju bira Skupština a sastoji se od 3 člana. To su predsjednik komisije i 2 člana. Mandat izborne komisije je dvije (2) godine.

INVERTURNA KOMISIJA

Član 15.

Inveturnu komisiju bira Skupština a sastoji se od 3 člana. To su predsjednik komisije i 2 člana. Mandat inventurne komisije je dvije (2) godine.

ZAVRŠNE ODREDBE

Član 16.

Zajednica ima svoj pečat promjera 35 mm i 25 mm sa tekstom: Islamska zajednica Bošnjaka, Gamla Tuvevagen 417050 GÖTEBORG, tel.031-22 66 79 i memorandum sa tekstom: Islamska zajednica Bošnjaka u Goteborgu / Islamiska Bosniakiska Församlingen i Göteborg

Član 17.

Zajednica može prestati s radom ukoliko odluči skupština s najmanje 3/4 od prisutnih. Ukoliko nije moguće sazvati skupštinu, Izvršni odbor Zajednice može donijeti odluku o prestanku rada s najmanje 3/4 prisutnih članova.

Član 18.

U slučaju da Zajednica prestane s radom, sva imovina Zajednice pripada Islamskoj zajednici Bošnjaka u Švedskoj.

Göteborg, 22 februar 2014

Skupština Islamske zajednice Bošnjaka u Göteborg-u